

Baht Mele.

HE KANIKAU ALOHA NO PARISA WAHINE.

E Parisa wahine e, ka elele mai ka aina Puniole Hikina mai;
 Ka mea e hele aku la e ku imua o Iehova;
 Ke kani hauoli nei makou nou;
 Ke ike ia oe i ka mea hiluhilu o ko ka lani poe;
 Ka mea a kakou i lohe ai;
 Oia mau mea kau e ike la;
 Pau kou ike ana i ka luhia me ka mai o keia ao;
 Ke ike la oe i ke ao malamau mau;
 E hookeani ana hoi oe me ka olioli;
 I kou ike ana i na Puali o ka lani.
 E Parisa, e, he u a he aloha ia oe,
 Ua kani hauoli makou a pau nau,
 I kou ike ana ia Ierusalem hou;
 A ua kani kauoli na manu liliu ia oe,
 Na mea no hoi a pau o ka waonahale;
 I kou hele ana i ke ala kioula a Kane, laua o Kanaloa.
 E Parisa kane e, e u ae oe i kou iwi aoao;
 Kou hoa pili o kau wahine,
 I piliia e olua ka ua me ka la;
 Kou hoa ae ale o na kai ewalu,
 Ke imi nei ia i kana wahine, aole i loa;
 Ke nana nei kau kane ia oe, aole oe i ike ia;
 Ke halo nei kau kane ma ka moana Pakifika;
 Aole oe i hoike mai.
 Aia ka oe i luna i ka poli o Aberahama;
 E Parisa wahine, e, ka mea i hele aku la;
 E nana i na Kitioni o ka lani;
 Mai ka aina Puniole Hikina mai;
 E hai ana i ke ala o ke ola mau loa;
 Oia o Iehova o na kaua.
 Aloha ka ale kualoia o Alenuihaha,
 Aloha ka lehua o Mokaulele,
 Aloha ka papa kahulihuli o Wailuku;
 Aloha ke kumu ohi o na Malokama,
 Aloha ka wai halau o Wailua;
 Aloha oe e Parisa wahine;
 Ka mea e uolo la i ka papa holo o Kahualoa,
 E Parisa wahine e, ka pua rose nani mai ka aina Puniole Hikina mai,
 Ke oli la oe me na Serapima o ka lani;
 Hoano ko Ziona puu;
 Malaila makaukau;
 Ka noho Moioa Iehova;
 Aloha ka makani pahili palua o ka moana;
 Kahi a laua i alo mai ai,
 E Parisa wahine e;
 Ka mea aloha i hala aku la,
 E Kau e, e kanikau ae oukou no ka oukou kumu;
 Kunalalohia e Kau;
 Haa mai e Puna;
 I ka make ana o ka lakou kumu aloha,
 Make ia ma ke kulanakauhale ma Hilo;
 Waiho ke kino i ka honua;
 Hoi ka uhane i ke ao malamau mau,
 I kahi o ka poe pono;
 Oia o Elia, ke kaula i pii ola aku i ka lani;
 A me Aberahama ma;
 He wahine ia i wae ia mai,
 Nolo ko mai o na tausani;
 Nolo ko mai o ke kulanakauhale o Hoopono;
 Ua ike aku la ia i na kio o ka ua lani;
 Oia na kio wai o Paretetina;
 Na punawai momona;
 Na punawai a ka poe pono e inu ai;
 E Parisa wahine e;
 Ka Elele aloha,
 Ka mea i hoi aku la i ka poli ala,
 O ka Makua mau loa,
 Oia o Iehova Sabaoth o ka lani.

Na J. T. KAUA.

HE MOKU KIALUA HAWAII I PAE MA KAUAI NEL.

Aloha oe, e ka Elele; he wahi ukana ka'u e haawi aku ia oe, a nau ia e hoolaha aku ma ke la wahi keia wahi. Eia ua ukana la. Ua pao iho nei kahi moku kukui kialua Hawaii ma Wai-pouli i Kauai nei. E hai iki aku au i ko'u wahi lohe no kona ili ana. I ko lakou hoomaka ana e holo mai, mai ke awa o Honolulu mai, aole i loa koke ka poino ia lakou, a hiki lakou i ka lae o Kalaehoa, loa ia lakou ka ino nui, nou mai la ka makani hele pu mai la me ka ua a pa mai la i ka moku, kahulihuli iho la. A ike iho la ke Kapena, a me ka malamau moku, a me na ohua a pau oia o ua moku la, alaila, olelo aku la ke Kapena i na kahu moku, "E pii'e ka pea o ka moku o kakou, no ka mea, ua nui loa ka ino." Pua iho la lakou i ka pea a paa, a koe ka pea hope, holo mai la a ka moana, poelele iho la, a lanakila mai la ka ino maluna

o lakou. Ike hou iho la ke kapena i ka-poino nui, pua ia iho la ka pea i koe oluna, a holo wale pela, aia hoi ka moku o lakou e huli ana i o a ia nei. Alaila olelo ae la kekahi i kekahi, "o ko kakou make no paha keia," no ka mea, aole ike ia'ku o kekahi me kekahi no ka nui loa o ka pouli maluna o lakou. Kuhi iho la ko lakou manao, aia lakou ma ka lepo o Hawaii, a i ole ia, aia lakou ma ka aoao akau o Kauai, a pau iho la ko lakou manao ola. Alaila, hoomalu ia iho la na ohua olua o ka moku, a noho malu lakou, alaila, hoomana aku la lakou ia Iehova ke Akua, "E Iehova ke Akua e hoopakele mai oe ia makou i keia ino nui. E hoopae ola aku oe ia makou i ka aina maloo." A i ka la 10 o Feb. 1848 alaila komo mai la keia wahi moku ma ka aoao hema o ka nalu o Makaiwa, a ike iho la lakou ua ili lakou i ka aina; alaila olelo aku la ke kapena i na ohua. "Ua pae paha kakou iuka o ka aina, no ka mea, ke kuku ae nei o lalo o ka Moku." Aole i liuliu iho, pae aku la lakou i ke one maloo, aole ike ia'ku o uka no ka pouli loa. Kuhi iho la eia no lakou i kai kahi i ili ai, hooilei iho la lakou i na heleuma o ka moku ilalo o ke kai, a haule aku la i ke one maloo, alaila, olioli nui iho la na ohua o luna o ka moku no ko lakou pakele ana i keia poino nui. Nowai la keia ola ona? no Iehova no. Auhea oukou e na hoahanau mai Hawaii a Kauai, a me na makamaka a pau loa, e pono e hoomanao kakou i ka pakele ana o keia poe mai ka lima o ka makani a me ka ua, a me ka ino nui. No ka mea, o Iehova wale no ke alakai o kahi ike ole ia, o Iehova ka paku, o Iehova ke kuhikahi.

Ke ao mai nei ke Akua ia kakou, ke paipai mai nei oia e huli aku i kona aupuni hanohano. Eu! Eu pu kakou e holo maluna o Iesu, ka wai o ke ola. Ua pau ko'u wahi lohe.

O Kikiula no ka moku i oleloia maluna. Oia ka kila i hanaia o Kapena ma Hanalei Kanai. Ua nui ka laau kukui maloko o ia moku, a ua hapa kona paa. Poinaikai maoli ka poe i holo maluna o ia moku mai ihua mai, i ko lakou make ole ma ka moana.

Eia nae ka mea kupaihana loa, ka pakele o na mea e holo ana maluna o ua mo'u la ia po. He oiaio no, o ko Iehova lima ka mea nana lakou i hoopakele. O ka make ko lakou manao. Okoa ko ke Akua. Haawi mai oia i ke ola, i ka wa e manao ana lakou i ka make. Aole no ka noono, no ke akamai, a me ka ikaika o ke kahu moku a me na mea oluna i pakele ai lakou i ka make. No ka mea, ua pouli loa ia po. Ua ikaika loa hoi ka makani, aole pea, aole lakou ike kahi e holo ai! Ina ua huli ae ka makani i ke Akua a i ka hewa paha, ina ua lilo lakou i ka moana loa, kahi hiki ole paha ke loa hou kahi aina. Iloko o ko ke Akua lima lakou, a nana no lakou i malamau iloko o kona poho lima.

HE HOOKAHUNA ANA.

I ka la 29 o Mei, akosko ae la ka hamisionari maloko ka halepule ma Kawahao, e hoolilo ai ia Mi Ioane no Waioli, i Kahunapule.

Eia mafala iho ka Qeloa a Mi. Alekanedero ia Mi. Ioane no Waioli i Kauai, i kona hookumuia i kahunapule, ma Waiahao, i ka la 29 o Mei iho nei.

E kuu kaikaina, he oihana nui keia i ili mai nei maluna ou. Ua lilo mai nei oe i hoalawe-hana pu me ke Akua, (1 Kor. 3: 9,) i alakai no kanaka ma ke alanui e hiki ai i ke ola mau loa. Nolaila, he pono ke like oe me Ioane Bapetite (Io. 5: 35) "He kukui aa malamalama oia."

O ka ke kahunapule hana nui, oia no ka hoomalamalama aku a me ka hoopili i ka oiaio i ka naau o kanaka. Ina e hoomalamalama aku oe ia hai, he pono ke lilo oe i kukui malamalama; ina hoi e hoopili aku oe i ka oiaio ia hai, he pono ke aa kou naau iho me ke aloha i ke Akua.

O ka malamalama ma na mea o ka uhane a me ke aloha hemolele, oia na mea e pau ai ka hemahema o ke kahunahiolelo. He mau mea keia e pono ai ka haiolelo ana, ka hoponopono ana i ka ekalesia, ke kukakuka ana me na hoahanau a me na mea a pau o keia noho ana.

Ma kau hana nui ma ka haiolelo ana, e kuu kaikaina, he pono ke like pu oe me na mea ola eha, a Ezeiela i ike ai (mok. 1: 18.) Ua paapu me na maka. He nui no ka ike e pono ai kau

hana ana, o ka ike ana i na kanaka, o ka ike ana i kela mea keia mea o kela hanauna keia hanauna, o na mea o ka ekalesia a me na mea o ke ao nei.

O ka ike ana i ke ano hemolele o ke Akua kekahi mea pili nui i kau hana, pouli ka nui o kanaka ia mea; manao wale lakou, ua like ke Akua me lakou iho, a nolaila manao lakou ua laulea lakou me ia. Eia kau hana, e hoike maopopo aku i ke ano o ke Akua, i ike ke kanaka hewa i kona ano ino, i nalo ole ia ia kona naau kua i ke Akua, o ka hoomaopopo ana i ke ano o ke Akua ka mea e puni ole ai na kanaka i na kuhihewa a me na manao hoopunipuni. Ke iini nui nei kuu naau e hoike aku oe i keia malamalama; nolaila ke paipai aku nei au ia oe e hoolaua nui aku oe me ke Akua ma kahi mehameha. Aole mea e ike nui ai kekahi i kekahi e like me ke kukakuka pinepine ana; pela oe e hoolaua pu me ke Akua i ike nui aku oe ia ia.

O ka ike ana'ku ia Kristo ka Uwao iwaena o ke Akua a me kanaka kekahi mea pili nui i kau hana, (Io. 17: 3) "Eia ke ola mau loa, i ike lakou ia oe i ke Akua oiaio hookahi, a ia Iesu ka Mesia, ka mea au i hooua mai ai." Nani wale ka ike ole o kanaka ia ia. "Iloko o ke ao nei oia, aole nae i ike ke ao nei ia ia." O ka kakou hana nui keia, e ike aku ia ia a e hookaulana aku i kona inoa hoano.

O ka ike ana'ku hoi i ke ano maoli o kanaka kekahi mea e pono ai. I kinohi ua hanaia ke kanaka he pololei, aka, ua imi mai oia i na mea keekee he nui wale, e hoomaopopo mua i ke ano o ka mai i pono ka lapaau ana.

Aka, makehewa kou hai ana'ku i keia mau mea a pau, ke ole i pili mua mai i kou naau iho. Aole o ka hoomalamalama wale aku, o ka hoopumehana no hoi kekahi mea e pono ai. He kukui aa malamalama o Ioane. I aa hoi oe, i wela kou naau i na mea oiaio au e hai aku ai, Aole ulu na mea o keia ao ke ole ka malamalama, aole hoi e ulu ke ole ka pumehana. Holo pu mai no na kukuna o ka malamalama a me na kukuna o ka wela mai ka la mai, a kupu mai la na mea kanu. Pehea la oe e papa aku i ka hewa, ke ole oe e inaina aku ia mea? Pehea la oe e hai aku i ka maikai o Kristo, ke ole i wela kou naau i ke aloha ia ia? Pehea la oe e hooikaika mau aku ma ka ke Akua hana, ke ole oe e makemake ia mea iloko o kou naau?

O ka ike ana i na mea o ke Akua a me ke aloha ia Kristo ka mea e makaukau ai oe ma ka hooponopono ana iwaena o na hoahanau o ka ekalesia. Oia ka mea e hiki ai oe ke wehewehe i na pilikia, ke kinai iho i na mea hoi i ka hakaka a hoolaua iwaena o na hoahanau kua. E hoike mau aku oe i ka naau aloha; e pili mau i ka aoao o ke Akua, i ka aoao o ka pono a me ka pololei. E hele ae oe i kela la i keia la me he keiki la o ka malamalama.

Eia kekahi mau hana pono ia oe, i mahua mau aku keia mau lako.

E heluhelu i na moolelo o na kanaka pono, na kanaka i pakela ko lakou pili ana i ke Akua, i aa ka makemake iloko ou e hoohalike me lakou. Ka moolelo o na kanaka like me Aberahama, Iosepa, Mosc, Daniela, Paulo, o Wini hoi a me Rikeke na mea a kakou i ike maka ai. E huli nui i ka olelo a ke Akua, oia ka mea e hoi ai i ke ahi o ke aloha a me ka makemake iloko o ka naau.

E noho haipule io oe, i akaka ke ano o ka hoomana Kristiano aole ma kau olelo wale no, aka, ma kou noho ana no hoi kekahi. E komo pinepine iloko o kou keena mehameha e halawai pu me kou Haku, i hoomalamalamaia i hoopumehanaia hoi kou naau. Me Mose la i kona noho ana i ka mauna me ke Akua, a iho mai la, alohi mai la kona mau maka e like me ka malamalama o ka la. E hoolaua nui aku oe, e like auanei oe me he aniani la, me he kilola e hoike aku ana i na helehelena o Kristo.

Pela oe e hookaka aku i kou malama imua o na kanaka, i ike mai ai lakou i kau hana maikai ana, i hooua aku hoi lakou i kou Makua i ka lani.